



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Ioan. Petri Maffei, Bergomatis, E Societate Iesv,  
Historiarvm Indicarvm Libri XVI.**

**Maffei, Giovanni Pietro**

**Antverpiae, 1605**

Widmung

**urn:nbn:de:hbz:466:1-11473**

## CLARISSIMO

PRINCIPI, AC DOMINO, D. OTHONI TRUCHSES A VVALDBVRG, S.R.E. Cardinali, Augustano Episcopo ac Prænestino, Præposito & Domino Eluacensi, &c. Ioan. Petrus Maf-feijs S. P. D.



*Q*UOD te non fugit, omni liberali do-ctrina eruditum, Otho Card. Amplif., India prouinciarum omnium maxi-ma, tametsi propriè dici videtur pars illa terrarum, quam nobilissimus flu-uius Indus interfluit: vsus tamen ob-tinuit, ut etiam ultra Gangem, equè magnum ac cele-bre flumen, immèsi illi terrarum tractus, qui ad Sinas usque, & in extremo positos Oriente pertinent Seras, India nomine censeantur. Porrò ultra Sinas, in Serico Oceano, haud procul à continente, ingès cernitur In-sula compluribus minoribus adiacentibus; quam no-stri vulgò Iaponem vocant, Zipangrim antiquis dictà fuisse nonnulli arbitrantur. Hac insula excepta, cate-ras ferme regiones eas, cum aliis opibus, tum etiam pre-tiosissimis aromatibus odoramentisq; refertas, constat priscais temporibus, Romano florente Imperio, cum Eu-ropeis hominibus & commerciis & hospitio fuisse con-iunctas. traditum est etiam, multas Christiana quor-dam sacra tum ab aliis, tum præsertim à duobus exi-mia sanctitate viris Thoma & Bartolomeo Dominè Apo stolis accepisse. Verùm ubi Romani decus Imperij.

conspirantibus undique in ipsum variis nationibus, co-  
cidit: mercimonij vocumque, & litterarum cum illis  
gentibus communiōe sublata, Christi cultus atque re-  
ligio paulatim extincta ac deleta s. c. est, ut nullū propo-  
ipsum vestigium in illis iam regionibus appareret. Quo  
melius de Christiana meruisse Repub. Lusitani iure  
putandi sunt, quod cum terrestri itinere sine summo  
vita discrimine, ea loca peti non possent, & vix quisquā  
reperiretur, qui peregrinationem eiusmodi suscipere  
auderet: ornatissimis ipsi classibus extima legentes  
Africa littora: Bonae spei promontorium ante id tem-  
pus penē incognitum, auream Chersonesum quae Mala-  
ca dicitur hodie, Taprobanam, quae Sumatra, siue Samo-  
tra: Sinas denique prae-tervecti: ad ipsam de qua dixi-  
mus Iaponis insulam ingenti ausu summāq. animi ma-  
gnitudine penetrarunt: iidēq. Indica ora magna par-  
te subacta, sinus etiam Persici faucibus fortiter aequē  
ac feliciter occupatis, Arabiū vero navigatione crebris  
incurSIONIBUS impedita, mercibusq. Ind. cis per Africū  
atque Atlanticū Oceanū in Hispaniam avertis: non  
modo Memphitica Turcarum vectigalia gravissimis  
damnis atque incommodis affecerunt: sed etiā CHRIS-  
TI liberatoris nostri cultum ac nomen apud eos po-  
pulos vel nunquā ante id tēpus auditum, vel diuturna  
vetustate atque oblivione deletum, salutari praedica-  
tione longē lateque propagarunt, adhibitis perductisq.  
secum, summi Pontificis iussu, multis Evangelij praeco-  
nibus, tum altarū familiarum, tum vero praecipue So-  
cietatis IESV. Quorum Epistola, (huc enim tota spe-  
ctat

Et oratio) quas vulgò Indicas nominant, in Europam  
subinde perlatæ, minimè dubium est, quin haud medio-  
crem utilitatem pari delectatione coniunctam homi-  
nibus nostris attulerint. Veruntamen ea volumina cū  
iam nimium excreverent, multò (que à legendi studio  
retardarent: prudenter mihi simul ac pie fecisse vide-  
tur Emanuel, is cuius nos scripta convertimus, qui cir-  
cuncisis iis quæ minùs necessaria videbatur, cætera bre-  
uem in commentarium retulit, ut essent parata & in-  
promptu, quæ quis de rerum Indicarum statu, progres-  
sive, quod attinet ad religionem, descriptione maxime  
digna, cognoscere cuperet. Quã nos etiã, aliqua ex par-  
te, circuncidendi castigandiq; siue diligētiam, siue licē-  
tiam, in Japonicis Epistolis ita præstare conati sumus,  
ut historiae fides ac veritas omnino integra permane-  
ret: quod facile perspiciet, si quis hæc exempla cum cæ-  
teris accuratè contulerit. Commentarius autem ipse, Re-  
rum in Oriente gestarum, ob eam causam inscribitur,  
quod eiusdem Societatis homines etiã in Brasilia re-  
gione, & in Occidentali quæ dicitur India, variis locis  
atque provinciis magna cum animarum utilitate fru-  
ctūque versantur: & res ad Christi Domini gloriam ita  
multas eodem duce atque adiutore perficiunt, ut pro-  
prio & quidem iusto volumine ipsæ per se ad explicā-  
dum indigeant. Quam nos in historiam, & in eas quæ  
super sunt ex Oriente colligēdas epistolas, quidquid otij,  
quidquid possumus operæ, deinceps conferre decrevi-  
mus. Profectò enim digna res est, in qua non mea so-  
lum, verum optimi cuiusq; ac literatissimi viri liben-

tissimè desudet industria: quippe quæ non modò plu-  
rimarum rerum variam & iucundissimã afferat cog-  
nitionem, sed etiam veritatem Catholicæ religionis, &  
sedis Apostolicæ maiestatem, summamq; Romani Pon-  
tificis potestatem, ( quæ hac præsertim ætate omnibus  
tormentis ac machinis oppugnatur ) humanis & divi-  
nis testimoniis atque miraculis, egregiè tueatur & cõ-  
probet. Interea, hæc quæ habebamus absoluta, tibi por-  
tissimùm, Otho clarissime, pluribus de causis dicere sta-  
tuimus. primùm, quòd hoc veræ atque orthodoxæ fidei  
firmamentum ei deberi maximè videbatur, qui sese  
calamitosis hisce temporibus contra perditorum homi-  
num insanias, Catholicæ sinceræq; religionis defensorè  
acerrimùm præbuisse: deinde quòd ipsimet Societati  
IESV, quæ plurimum tibi debere se profitetur ac præ-  
dicat, in primis id gratum fore mihi persuaseram. Tu,  
pro tua excellenti humanitate, munusculum hoc qua-  
lecunq; libenter accipies, meque in tuorum numerum  
adscribes æquo animo. Vale. Romæ, 15. Kalend. Decem-  
bris, M. D. LXX.

R E R V M